

# البريد

آبونه شرائطی : هریر  
ایچون سنه لکی (۲۷۰)  
آلتی آیلنی (۱۰۰) غروشدور

نسخه سی • غروشدور •  
سنه لکی ۵۲ نسخه در •

اداره خانه : آقره ده حریت  
اوتلی قارشوسینده کی سوقاقدہ

اخطارات  
آبونه بدلی پشیندر

مسلكه موافق آثار مع المنویہ  
قبول اولنور • درج ایدله یین  
یازیلر اعاده اولماز •

آدرس تبدیلینده آریجه  
باش غروش کوندر الیدر

مکتوبلرک امضاری واضح  
و او قوناللی اولسی و آبونه  
صره نومروسینی یختوی  
بولونمسی لازمدور

ممالک اجنیه ایچون آبونه  
اولانلرک آدرس لربنک فرالیزجه  
یازلسی رجا اولنور

بارہ کوندرلدیکی زمان نوبه  
داثر اولدینی واضعاً بیلدیر  
لمسی رجا اولنور

آبیمون اهدکم سبیل الرشاد

صاحب و مدیر مسئول  
اشرف ادیب

باش محرر  
محمد ماکف

والله یهدی من یشاء الی صراط مستقیم

## اسرار قرآن

بسم الله الرحمن الرحيم

«قل ان كانت لكم الدار الآخرة .... للكافرين»

۶

یوقاریدن بری سرد ایتدیکمز سوزلرک خلاصه سی شودرک :  
مفسرلرک بو بایده ایراد ایتش اولدقلری حدیثلرک هیچ بری صحیح  
مرتبه سنه بو کسله مه مشیر . بونکله برابر شاید ایچلرندمه حق تین  
ایدنلری وارسه بونلرک رعد و برق ایله اسباب ، کذلک جوجنک  
ابویندن برینه بکزه میسی ، جینک نازل اولوبده ارکک ویا دیشی  
اولمی و سائر کی دنیا په حائذ اولانلر حقنده اتخذا ایدیلرک حرک  
شودر : اوت ، بو موضوعه دائر روایت اولوان احادیث عنده توافق  
ایدر و مسائل مثبتة علمیه ایله تعارض ایلرسه قبول ایدیلر ، عکس  
تقدیرده ایدیلر .

بونکله برابر شوحرکت ، حدیثک محقق فرض اولوندیخه کورده .  
لیکن رجال حدیث میاندی یوقاریده ذکر ایتدیکمز وجهله شایان  
اعتقاد اولمان بعض کیمسه لک بولوندی دوشونولورسه اوزمان نه یامق  
لازم کله چی کنیلرکندن آکلاشیلر . مثلاً بورجال آره ند (عبدالحمد  
بن بهرام الفزاری) واردر که حافظ صالح بن محمد اولک حقنده :  
« هیچ برشی دکار ، بختدن اوزاق سوزلری واردر . ، دییور .

بوللری بر طرفه براقلم اصل مسه لک توپلری اور برنه ک ،  
کتاب اللهی و سنت رسولی جدأ اینجیده جک برشی وارسه اوده بو  
آیتک عمر بن الخطابک لسانی اوزرینه اولدیفنه ( یعنی اولاً حضرت  
همرک لماندن جاری اولورق بالآخره علیه الصلوة والسلام افندیزه  
نازل اولان وحی ایله تأیید ایدیلرکنه ) دائر اولان رواپلردر .  
مفسرلر بو خصوصده بر طاقم سندلر ذکر ایدیورلر که راولیری آره سنده  
امام احمد بن حنبله ده کورییوز . هیچ شبه یوقدرکه قرآنک بویه  
احباب کرامدن برینک لسانیله نزولی عقلک قبول ایتیه چی برشدرکه  
لونی سوبلرکی سوزک ، مناسفی ادراک ایتمین و بوقیل اقوال سخیفه  
ایله دین بین اسلامه ایرات ایتمکنده اولدانی قنالفکرک درجه سی احاطه  
قدرتندم اولمان ارباب غفندن باشه سی تجویز ایده من .

عجائبک اک بویوکی ده ( اتقان ) صاحبک بو موضوعه حائذ اولیق  
اوزره ( فمنازل من القرآن علی لسان بقص الصحابه ) عوانی آلتده  
بر فصل مخصوص آچدق احباب کرامدن بر قسمک لسانیله نازل  
اولدینی زعمنده بولوندی ایتلری سرده قالدیشامیدر . اوت ، ( تفسیر  
اتقان ) صاحبی نتیجه سی حقنده هیچ بر تفکرده بولونمقسنرین و هیچ  
بر قید احتیاطه لزوم کورمه کسنرین بویه بر حرکتده بولونمش ، کتاب اللهک

قدر و منزلته بو صورتله طاری اولدق قبیه سی دوشونمه مشدر .  
قرآن اوله بر معجزه آتیه درکه علیه الصلوة والسلام افندیز اونکله  
اک یوکسک خطیلره ، اک آتشیان ادیبلره قارشى تحدى بویوردرق  
بر سور سنه نظیره وجوده کتیرملری تکلف ایتیلردر . سور قرآنیه ک  
بر جوخنده قرآنک آنجق قلب رسوله بارل اولدیفنی ناطق آیات کریمه  
موجوددر . قرآن آنجق علیه الصلوة والسلام افندیزه وحی اولوان  
وحی آتیدر . ( ان هو الا وحی بو حی علمه شدید القوی ) .

یوقاریدن بری سه بلدکلریمز مقصدی تأمین کافیدر . بونکله برابر  
بو بایده روایت اولوان احادیثی مابقده و اونلرک مسندلرندمه ک جرح  
و تعدیل بیان صدندن مستقل بر فصل آچه حفز . ایشنه او فصلده  
کو چکنر که مفسرلر نقل حدیث خصوصنده نه قدر مسامحه کار  
داورانمشلر و اهل حدیثه وثوقه اجماع اولمان بر طاقم رجالک روایانه  
اعتقاد ایتیلردر .

آیات سالفه ده بنی اسرائیلک محمد بن عبدالله ایماندن نازل امتناع  
ایتدیکری و عادلری ، کفرلری سائقه سیله بو خصوصده نازل بر طاقم  
واهی و سفیل اسباب و علله صاریدلر بیان بویورلدن سوکره  
آتیده کی آیات کریمه ده اصل اونلرک هلاک و خسران ایدیلرینی موجب  
اولان فضیحه لرندن دیکرلری بسط و بیان بویورولیور .

شیخ عبدالعزیز چاویلش

## رمضان مصاحبه لری

افاضل علمائندن شرعی و کالتی تدریسات مدیر عمومی آقسه کیل احمد حدی افندی  
طرفندن کچن هفته دارالمعلمین قونقراس سالوننده و بریلان مصاحبه کله خلاصه سیدره  
اسلام اعتقادندن بریده آخرته ایماندر .

افندیلر ، اولکی مصاحبه لرده اسلامک اعتقادات اساسیه سندن  
اولان وحدانیت الیه ، ایمان بالرسول ، کتاب و ملک عقیده لری حقنده  
ایضاحات ویرمشدم . بو کونده اسلام اعتقادنک اک مهم بررکنی  
اولان « آخرت » ایمان حقنده ایضاحات ویرمه چک . یوم قیامت  
یوم آخرویا آخرت ، بمث بمالموت ، یوم دین ، یوم جزا ... بونلرک  
هر برلری بر معنای افاده ایدر . آخرت تعیری بونلرک هپسنی  
جامع در . منتهای اوصافی اعتباریلده ده « یوم جزا » دینیلر .

« آخرته ایمان » دیمک : دنیا ده کوردیکمز هر شیک بر ساعت  
قنای اولدیفنه و اوندن سکره ایکنجی برلشتنه ، ایکنجی بر خلقتیه ایمان  
دیمکدر . مسلمانلق یزه تعلیم ایدیور که : « دنیا ده کوردیکمز هر شیک ،  
اک نهایت دنیا دیدیکمز شو هیئت مجموعه ک بر ساعت قنای ، بر  
اولومی اوله جقدر . ارض و سما دکشه جک ، باشقه بر نشأت ، خلقت